



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 12. Denuntiationis ab eodem hoc Præsule factæ successus.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

proiiciendo. V. Denique quod specia-
 lis voluntas Dei, qua quem vult, sal-
 vare efficaciter salvet, sit fons & prin-
 cipium omnium, quæ a Deo petimus,
 sitque nostræ spei fundamentum.

Sæc. XVIII.
 A. C. 1735.

Post hæc Laudanensis progr dieba-
 tur ad Montpessulani Episcopi instru-
 ctionem Pastoralem, hoc anno die vi-
 gesima quinta Martij editam, eamque
 a Clero Gallicano in comitiis genera-
 libus congregato dijudicari petebat.
 Ex ea autem præcipue annotabat te-
 meritatem Montpessulani, qua Pontifi-
 cis Breve damnare præsumpsit, *perinde*
ac si per illud miraculorum, quæ ad tumu-
lum Sancti Parisii Diaconi quotidie is ope-
ratur, veritas impugnaretur, & principia
circa impossibilitatem legis Divinæ in certis
casibus a D. Augustino stabilita refelleren-
tur, ac denique populorum inobedientiam
per inculcatam submissionem erga Romanas
decisiones foveret.

§. XII.

Denuntiationis a Laudanensi factæ
exitus.

Apostolico Laudanensis Episcopi Zelo
 optatus plane non respondit succes-
 sus; quamvis enim doctrina, quam in
 sua epistola exposuit, esset summe or-
 thodoxa,

Sæc. XVIII.
A. C. 1735.

thodoxa, contraria vero a se denun-
tiata veritati Catholicæ recta oppone-
retur, nihilominus hæc ipsa ejus epi-
stola rursus sanctioris Senatus Regii
edicto fuit suppressa, & omnes Præsules
in comitiis congregati, quamvis
Laudanensis doctrinam constanti Ec-
clesiæ doctrinæ consonam uno ore
deprædicarent, in ea tamen defenden-
da, & vindicando Confratris sui hono-
re obmutuere, partim quod mali peri-
culum adeo præsentaneum haud esse
crederent, partim quod novo strepitu
mala augeri pertimescerent. Ut ut de hoc
sit, id certissimum est, quod Lauda-
nensis nihil satis festinatum ratus con-
tra imminentem præ foribus sacri De-
positi jacturam, evolutis vix aliquo
septimanis rursus die vigesima secunda
Julij novam ad Clerum epistolam dede-
rit, in ea Congregatos Præsules pe-
tens quicquid sanctum sacrumque esset, eni-
xe obtestatus, ut comitia non dissolve-
rent, quin prius læsum honorem jus-
que incorrupta fide reddi curassent. Præ-
terea hujus Episcopi partes tuendas
susceperat quidam magnæ authoritatis
Vir, qui die vigesima tertia Augusti ad
congregatos Præsules literas dedit, in
quibus Religionem imminenti periculo
exponi ostendebat, nisi illius tuitionem
palam in se susciperent. Eo fine hic
Au

Auctor exacte exposuit, quam amplis Sæc. XVIII.
 progressibus error invaluerit, quam ini- A. C. 1735.
 quis iteratisque assultibus Ecclesia a
 profanis Judicibus fuerit impetita,
 quam urgentes essent rationes, quibus
 demum ad succollendam oppressam Re-
 ligionem permoverentur. Verum sur-
 dis canebatur fabula: Episcopi enim in
 piis desideriis, ac sterili bona volunta-
 te hæserunt, persuasi, prudentiæ le-
 ges dictare, ut in præsentis rerum vi-
 cissitudine tempori cederetur. Eapro-
 pter sua dissolvebant comitia, quin in
 Ecclesiæ defensionem ac favorem vel
 unicam lineolam publici juris fecissent,
 vana pollicitatione eis facta fascinati,
 fore, ut Rex, quæ ipsi provida cir-
 cumspectione prætermisissent, majori
 auctoritatis pondere suppleturus esset.

§. XIII.

*Laudanensis Episcopi recursus ad
summum Pontificem.*

Cum ergo Laudanensis Episcopus se
 ab omnibus derelictum cerneret,
 in summi Pontificis æquitate paratissi-
 mum quærebat perfugium: mox igitur
 datis ad eundem literis totam causæ
 suæ seriem non minus exacte, quam
 fideliter perscripsit, seque in ejus fi-
 dem & clientelam totum contulit: Nec
Hist. Eccles. Tom. LXXV. E sua